

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De tertio

[urn:nbn:de:bsz:31-126133](#)

nali immunis esse velit. Hæc magna consolatione est, quâ pîi in omnibus adversitatibus confirmare se possunt. Nam si Deus pro nobis, quis contrâ nos? Rom. 8. v. 32.

III. Ex longanimitatis divina rivo, quæ hinc elucescit, quod Christus ait: Si offeramus munus nostrum ad altare, & ibi recordati fuerimus, quod frater noster habeat aliquid adversum nos, ut relinquamus ibi munus nostrum ante altare, & vadamus prius, & reconciliemur fratri nostro. Interēa Deus nos tamdiu præstolatus est, dum eamus & redeamus & reconciliati sumus fratri nostro. Quis tale quid coram Magnatibus terrenis auderet? Si quis impetrata audientia, causam suam propositurus, in conclavi Principes recordaretur rerum domesticarum, abiretque domum ad eas expediendas, & tunc demum rediret, querens suam expositurus, quâ ratione ille exciperetur à Principe? vix alia vice admittetur. Sed Deus ter Opt. Max. tantâ benignitate & mansuetudine ergâ nos præditus est, ut tantisper cultum suum differri velit, quin & ipse jubet nos cum proximo in gratiam redire, deinde remeare, & munus nostrum offerre, quod hoc modò fibigratum & acceptum fore, pollicetur.

Nonne verò hæc magna patientia & longanimitas, quam Rex Regum & Dominus Dominantium, 1. Tim. 6. v. 15. qui excelsior cœlo est, & profundiior inferno, longior terra mensura ejus, & latior mari, Job. 11. v. 8. 9. ergâ nos miseris hominibus probat? quos jure optimo ad infernum detrudere possit, ratione magnæ inobedientiæ, quâ ipsum offendimus, ut

impleat, Osc. II. v. 8. Hæc consolatione stra sit, si ex imbecillitate humanâ in delicto aliquo præoccupati fuerimus, ne desperemus, sed cogitemus, Deum esse propitium & misericordem, ideoque locum daturum pœnitentiæ. Est enim verus φιλόλυχος, Sap. II. v. 27. nec delectatur in perditionibus nostris, Tob. 3. v. 22. sed multum parcendo nos regit, Sap. 12. v. 18. utrum in tempore gratiæ resipiscere velimus à Diaboli laqueis, à quo captivi teneamur, ad ipsius voluntatem, 2. Timoth. 2. v. ult.

De Tertio.

Superest Cautela, quam tribus includimus Regulis, quarum

1. *Justitiam sectare.* Hic Christum, cum Scribatum & Pharisæorum justitia minime contentum esse audimus: aliam vero requirit justitiam, quæ coram Deo valeat, Rom. 10. v. 3. Deus enim in generatione justa est, Psal. 14. v. 6. Injusti vero Regnum Dei non hereditabunt, 1. Cor. 6. v. 9.

Hæc justitia considerari potest bifariam:

1. *Secundum legem*, cuius summam Christus enarrat, Matth. 22. v. 37. Hæc vero ratione impossibile nobis est, legem Dei implere, lex enim spiritualis est, nos vero carnales sumus, venundati sub peccato: hinc quidem delectamur lege Dei secundum interiorum hominem: videmus autem aliam legem in membris nostris, repugnantem legi mentis nostræ, Rom. 7. v. 22. 23.

2. *Secundum fidem*, quatenus Christus eam nobis acquisivit,

1. *Agendo*: Non enim venit solvere legem, sed implere, Matth. 5. v. 17.

2. *Patiendo*: Factus enim est maledictum pro nobis, ut nos à maledictione legis redimeret, Gal. 3. v. 13. & per vulnera ejus sanitati sumus, Esa. 53. v. 5.

Medium verò, quo iustitiam hanc apprehendimus, nobisque applicamus, est fides, cuius anima & vita vocatur fiducia, quā homo sanctissimo Christi merito quasi immergit se, nee modò in genere credit, Christum mortuum esse & resurrexisse, id quod & Diaboli credunt, & contremiscunt, Jac. 1. v. 10. sed sibi omnia Christi merita in individuo quasi pro se solo praestata applicat exemplo Pauli, dicentis: Christus dilexit me, & tradidit semetipsum pro me, Gal. 2. v. 21.

Hæc vocatur *iustitia imputata*, quam non in nobis reperimus, sed extra nos in Christo querere oportet, qui factus est nobis à Patre suo sapientia, & iustitia, & sanctificatio & redemptio, 1. Cor. 1. v. 30. Ex hâc fluit *iustitia inchoata*, quā verus Christianus ostendit, quod iustitiae Dei subjectus sit, Rom. 10. v. 3. quando nimis lumen fidei suæ lucere sinit coram hominibus ut videant opera sua bona, & glorificant Patrem, qui in cœlis est, Matt. 5. v. 16. Sicut enim corpus sine Spiritu mortuum est; ita & fides sine operibus mortua est, Jac. 2. v. ult.

Hæc vero opera quibus fidem nostram probamus, in genere iustitia in Scripturâ dicunrur, quia *iustitia est Regina & Domina omnium virtutum*, Cicerone teste, cuius proprietas est: *Honestè vivere, Neminem ledere, Suum cuique tribuere*, vide Matth. 7. v. 12.

Quod si igitur h̄c felices, & in æternum beati esse vultis, videte ut in numero justorum inveniamini, in Christum credatis, & erga proximum quoque acquiratis studeatis. Dominus enim diligit justos, Psal. 146. v. 8. habitacula eorum benedicentur, Prov. 3. v. 33. semita eorum, quasi lux splendens, Prov. 4. v. 18. nec affliget Dominus faimam animam eorum, Prov. 10. v. 3. Tandem eò illos deducet, ubi iustitia habitat, 2. Petr. 3. v. 13. nemp̄ in cœlestem Hierusalem, populus enim ejus omnes justi erunt, Esa. 60. v. 21.

II. *Iram moderare*. Propterea ait h̄c Christus: qui fratri suo irascitur, reus erit iudicio, h.e. ut Bibl. Wemariensis explicant, dignus est, qui palam in iudicium inferius, in quo apud Judæos XXIII. Judices sedeturunt, adducatur, & capit is damnetur. Semper enim unum ex alio sequitur: *Ira excipit rixam, rixa convitia, convitia iclus, rulnera*, ut Basilus ait. Et hic ratio nulla proximi consanguinei habetur. Per iram trucidavit Cain fratrem suum Abelem, Gen. 4. v. 8. Saul generi sui vitæ insidiabatur, 1. Sam. 19. v. 10. Herodes filios proprios petim⁹ iussit, ex merâ suspicione, quasi insidias vitæ suæ tenderent. Hinc Syracides: *Vit peccator turbabit amicos, & in medio pacem habentium immittet inimicitiam*, c. 28. v. 11. iratus nil nisi criminaloquitor, quidam ex Veteribus ait.

Quilibet igitur iram declinet, & si forte bilis ipsi moveatur, confessim *speculum consultat*, & deprehendet, quomodo à seipso quasi mutatus sit: sic multi iram abjecerunt, ait Plato.

In lingua Hebræa Ira Aph. h.e. nasus dicitur, quia per nares fumat, sicut flamma per

per caminum: quia nihil est in toto corpore, per quod iracundia se non exferat. Facies immutatur, sicutque primò rubicunda, deinde pallida: labia tremunt, dentes strident, pili sursum eriguntur, oculi scintillant, lingua hæsitat, pedes calcitant, manus contremiscunt, totum corpus concutitur, ut rectè dixerit Basilius: *Ira quedam hominis Demoniaci effigies est, nec modò effigies, sed & exemplar & viva idea.* Qui enim odit fratrem suum, homicida est, 1. Joh. 3. v. 15. Hoc à Diabolo oritur, qui homicida ab initio est, Joh. 8. v. 44.

Deinde humilitati studet. Quando enim homo nimium sibi arrogat, & omnia ad libitum desiderat, facile ad iram incitari potest. Qui verò humilitati studet, in omni fortuna æquo animo esse potest.

Tertio nihil ex iracundia faciat, sed prius orationem Dominicam reciter, ut Ambrosius Theodosio fvasit, sic interea ira evanesceret.

Architas Tarentinus à famulitio ad iram provocatus, nihil iratus fecit, sed dixit: Jam te percurarem, nisi iratus essem.

Alfonius Arragonia Rex, pugionem abject, quando ab iracundiâ invadebatur. Hic patientia opus est, quæ non cuiusvis est: Ideò à Deo impetratur, qui inde Deus patientia vocatur, Rom. 15. v. 5.

Hoc si fecerimus, iram refrenantes, Deus quoque nobis ignoscet, si fortè deliquerimus, est enim benignus, & misericors, longanimis & multæ misericordiæ, & talis, quem pœnitet super malo, Joel. 2. v. 13.

III. *Cum proximo reconciliare.* Ad hoc

monet nos Christus emphaticis verbis, unde & offendentem & offenditum salutari- ter instruit. Offendenti ait: *Vade, reconciliare fratri tuo: quo ipso injungit, ut is, qui proximum offendit, aut ipse, aut per internuncios proximo deprecetur, quod res componatur, antequam ad sacram eucanam accedat: alias enim melius foret ut plane eā abstineat, quicunque enim manduca- verit panem hunc, & biberit calicem Do- mini indignè, reus erit corporis & sanguini Domini, 1. Cor. 11. v. 27.* Quando verò qui offendit, injuriam suam agnoscit & veniam orat, alter promptus ad remittendum exhibere se debet, non modò septies, sed septuagesies septies, Luc. 17. v. 4.

Hoc ipsa necessitas requirit: Confite- mini alterutrum peccata vestra: & orate pro invicem, ut sanemini, inquit Jacobus c. 5. v. 16.

Exempla sunt Abraham, Gen. 13. v. 8. 9. Joseph, Genes. 50. v. 19. seqq. Moles, Exod. 32. v. 11. 31. David, 2. Sam. 16. v. 5. seqq. Christus ipse, 1. Petr. 2. v. 23. Luc. 23. v. 34.

Hæc exempla nos quoque imitemur, sedulò caventes, ne vincamur à malo, sed vincamus in bono malum, Rom. 12. v. ult. Hæc optima est victoria.

Fortior est, qui se, quam qui fortissima vincit

Mœnia, nec virtus altius ire potest. Vide Prov. 16. v. 32. Largiatur nobis Deus hunc affectum, per Christum Dominum nostrum.

Amen.

DOMI-